

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

16. Nullum esse, tantum peccatum, quod per pœnitentia[m] non possit deleri.

urn:nbn:de:hbz:466:1-45653

nus fieri? Si non ergo habes hominem, habes tamen Deum. Nec poteris dicere: Dum ego vado, alius ante me in pescinam descendit. Nam si volueris in fontem pœnitentia descendere, nemo prohibet. Non absumitur, nec minuitur gratia. Est enim fons perenniter emanans, & ex illius abundantia omnes sanamur.

Verè hæc Chrysostomus. Nam, ne Bonifacium duntaxat, è vitæ liberioris licentia, sanctum esse factum putemus; Aglais quoque, cum quæ turpiter consueverat, à vitio inolito destitit; & pœnitentiam illustrem egit. Siquidem illi, qui Bonifacium comitati erant, reliquias eius, corpus scilicet ac caput quingentis aureis emtum, atq; amomo alijsque odoriferis vnguentis conditum, lineisque inuolucris candidissimis circumdatum ac capsæ impositum, Tharso Romanam peruerterunt, nullas vllijs alterius Martyris reliquias, præ his, eligendas arbitrati. Dum sunt in via, Angelus prænuncius è cælo se stitit Aglaidi, eámque iussit suscipere venientem, dominum iam & fratrem Angelorum, quem famulum dimiserat; qui ab ea honoratus, illi esset futurus vitæ seruator, & animæ custos. Exterrita illa festinandum rata, cum clero, Martyri obuiam procedit, ædem materia insignem, structura elegan-tem erigit: in illa Bonifacius conditus mira multa patrauit. Sed maximè mirum erat, quod non corpora tantum, verùm animi etiā inibi sanarentur. Illud mirissimum extitit, quod ipsa Aglais, eo loci, alia à se facta sit. Nam, distributis suis, in pauperes, opibus omnibus, de cetero honestè vixit, & ex virtute. Neque enim voluptates tantum illicitas à se abdicauit, sed, per ipsos quindecim annos, ita etiam asperum vitæ genus amplexa est, delicijs cilicia; conuiujs ieunia; sermonibus lasciuis orationes opponens; vt & ipsa miraculis coruscaret. Quamuis miraculum pulcherrimum utilissimumque fuit; è tali femina, quæ libidinis stabulum fuerat, exemplum pœnitentiæ virtutumque factum esse; in quo diuinæ bonitatis profundissima consilia splenduerunt.

Quæ meritò vnum quemque animare possunt, ne, cum Cain aut Iuda, à diabolo se sinatadigi ad desperationem, quasi gravitas peccatorum maior sit, quam Dei miserationes. Ades igitur, peccator, etiamsi, in peccatis ætatem omnem contriuisti; etiamsi cum adulterijs homicidia, & omnis generis crimina cumulauisti; habes misericordem Deum, qui iurans ait: *Vnuo ego, nolo mortem*, Ezech. 33.
impj, sed ut convertatur impius à via sua & vivat. Convertimini à vijs 10.
pessi-

XV.

XVI.

S.Chrysost.
hom. 6. de
Pœnit.

pessimis vestris, & quare moriemini, domus Israël? Nullum peccatum est tantum, quod non remitti possit à tanto. Quid maius est adulterio & homicidio? Audi igitur Dauidem de his pœnitentem: Dixi, inquit, confitebor aduersum me iniustiam meam Domino, & tu remisisti impietatem peccati mei. Propterea Christus peregrinatus in terra, maxima peccata remisit; latronem in Paradisum duxit; Publicanus fecit Euangelistam; Paulum blasphemum Apostolum orbis: ut tu, peccator, minus desperes, sed peccatum fatendo deleas, & salubrem ingrediariis viam. At magna est multitudo iniquitatis tuæ, & super arenam maris? Maior est misericordia Dei. Nam Dei clementia pietatisq; mensuram non suscipit, neq; ipsius bonitas verbo interpretari potest.

Idem S.
Chrys. hom.
3. de Pœnit.

Tua quidem malitia mensuram habet (cum & Arithmetici profitantur se numerum arenae maris posse dicere) Dei vero clementia & pietas in circumscripta est; ipsa igitur tuam malitiam superat. Cogita scintillam, si in mare ceciderit, num poterit stare & apparere? Quantum scintilla ad mare se habet, tantum hominis malitia ad Dei clementiam & pietatem: immo vero non tantum, sed & longè supra: nam & pelagus, tametsi magnum sit, recipit mensuram, Dei vero clementia, & pietas mensuram non habet. Hæc S. Chrysostomus. Ob hanc bonitatis suæ immensitatem, Deus, apud Prophetam, postquam dixerat: Væ genti peccatrici, populo grani iniquitate, semini nequam, filiis sceleratis, dereliquerunt Dominum, blasphemarunt sanctum Israël &c. subiecit: Lauamini, mundi estote &c. si fuerint peccata vestra, ut coccinum, quasi nix dealbabuntur, & si fuerint rubra, quasi vermiculus, velut lana alba erunt. Observat D. Basilios, colorem coccineum & rubrum, inter omnes colores, esse maximè tenaces, ac ferè indelebiles, immo velut in natuum colorem conuersti. Quare & peccatum ita adhæret, præsertim impijs, & fornicarijs, quos Fulbertus, supra, dixit, indelebili nota, in sanguine suo morituros, ni diuina scilicet gratia vtantur; hac tamen pœnitentiāque qui vtuntur, lauari, mundarique possunt, & quasi nix aut lana dealbari; etiam si peccata illorum pondere grauia, enormitate cruenta, numero multa consuetudine inolita, & velut in naturam conuersa videantur. Verè S. Cyprianus: Quocunq; necessitas cogat ad pœnitentiam; nec quantitas criminis, nec breuitas temporis, nec vita enormitas, nec horæ extremitas, si pura fuerit voluntatis mutatio, excludit à venia, sed in amplissimos sinus suos mater charitas reuertentes suscipit prodigos, & velut nolit Novatus hereticus, semper verè pœnitentes suscipit Christus.

Isa. 1.

Vide supra
9. 4.

S.Basil.ho-
mil. de Pœ-
nit.

Itaque

S.Cyprian.
serm. de cœ-
næ Domini.

Itaque